



IRako presoentzat
amnistiari ez dela
izango esan du
John Majorrek / 18



Xabier Euzkitze:
«Suelto eta
konfiantzaz ikusi dut
neure burua» / 24-25



Manu Lejardi: «Biok
ari garela ere
kontuan izan behar
zuen Zezeagak» / 22

EUSKALDUNON

Egunkaria

Astearte, 1993ko azaroak 23 / IV. urtea / 919. zenbakia / Salneurria: 100 pta. / 5,5 libera

ANTZERKIA

22 txotxongilo talde Tolosan

Tolosako Nazioarteko Txotxongilo Jaialdian 85 antzezlan eskainiko dituzte bertan parte hartuko duten 22 taldeek. Ostiralean hasiko da jaialdia. / 23

Goikoetxea Ertzaintzako sarjentu nagusiaren aurka atentatua Bilbon

Bi ezezagunek egindako tiroek hilzorian utzi zuten EAJko kide izandako ertzaina

Joseba Goikoetxea Asla Ertzaintzako sarjentu nagusia oso larri zauritu zuten atzo Bilbon egindako atentatuan. Aurpegia agerian zuten bi ezezagunek tirokatuta buruan jo zuten balak hilzorian utzi zuten Goikoetxea. Atzo iluntzean «koma sakonean» zegoen, Basurtoko ospitaleko mediku taldeak plazaratutako azken agiriaren arabera. Ertzaintzak eta alderdi politikoek ETari egotzi zioten atentatuaren ardura.

Joseba Goikoetxea sarjentu nagusia Ertzaintzako informazio zerbitzuko burua izan zen 1986tik 1993ra arte, Garaikoe-txeari eginiko ez-legezko entzuketengatik kargu publikorako inhabilitatu zuten arte alegia. 1968. urtean hasi zen EAJn lanean, 1975ean atxilotu egin zuten eta, amnistia medio kalera irten ondoren, EAJko antolaketa arduraduna izan zen 1980 bitartean. Andoni Murelaga atxilotuari ustez egindako torturengatik auzipetuta dago egun. / 4-5



Auto barruan zegoela tirokatu zuten Joseba Goikoetxea Ertzaintzako sarjentua.

XOUSE SIMAL

ERREAKZIOAK

«Esangura politiko berezia»

Joseba Goikoetxea ertzainaren aurkako atentatuak «esangura politiko berezia» duela adierazi dute politikari gehienek gaitzespen hitzetan.

- **JOSEBA EGIBAR:** «Ertzaintzaren kontrako atentatu zuzena izan da, eta orobat EAJren kontrako atentatu zuzena, Goikoetxearen oinarritzko ezaugarria, bere jardura politikoari dagokionez, EAJko kide izatea baita».
- **JUAN MARIA ATUTXA:** EAEko Barne sailburuak KAS, HB eta 'Egin' egunkariari leporatu zion atentatuaren erantzukizuna. «'Egin' egunkaria denbora luzez motoreak berotzen eta pistola batzuen kakoa olioztatzen aritu da eta nolabait berak eragin du gaur jasaten ari garen gertakizuna».
- **RAMON JAUREGI:** «ETAk Ertzaintza beldurtu nahi izan du. Ertzaintzak indarkeriaren aurkako borrokan izan duen inplikazioari eta profesionaltasunari eutsi behar dio».
- **HERRI BATASUNA:** «HBk dei egiten dio EAJri gogoeta egin dezan eta Ertzaintzak aurrera daraman dinamika berrekin diezaion».
- **ELKARRI:** «Arbuioa, kritika eta kezka agertzen dugu. Premiazko gogoeta egiteko eskatzen diogu ETari, indarkeria adierazpen hauek dituzten ondorioei buruz, eta bereziki tentsio egoera hauek indargabetzeko beharraz».

BESTERIK

G I Z A R T E A

Andoni Urrestarazu
'Umandi' euskalari
arabarra hil da / 9

E S T A T U A K

Bost lagun hil dira hotzak
Frantzia / 15

K I R O L A

Jugoplastika ohiaren
aurka jokatu du gaur
Taugresak / 21

Landabenen 1.100
lanpostu kendu
nahi ditu Seatek
1998. urterako

Seatek 1998. urterako 1.100 lanpostu kenduko ditu Landabengo (Iruñea) lantegian, enpresako arduradunek sindikatuetakordezkariet atzo jakinarazi zieten. Horietatik 500 lanpostu datorren urtean bertan galduko lirateke. Iruñean murrizketarik ez zela egingo esan zuen Seatek atzo arte. Kataluniako lantegietan 9.900 lanpostu kentzekoak dira. / 12

Vera, Asuncion
edo Roldan izan
liteke Barne
ministro berria

Jose Luis Corcuera gaur prentsaurrekoan argituko du Espainiako Barne ministro izateari utzikodion, eta Felipe Gonzalez gobernuburuak gaur bertan jakinarazi lezake hurrengo ministroa zein izango den. Rafael Vera, Antoni Asuncion eta Luis Roldan dira hautagai aipatuak. / 14

Bosniako gerrako
alde guztiak bildu
nahi ditu Europako
Batasunak

Bosniako eta Krajnako gerrako alde guztiak bildu nahi ditu Europako Batasunak (EB), datorren astelehenean abian jarriko duen diplomazia ekimen berrian. EBko Atzerri ministroek atzo Luxenburgerean erabaki zuten, Serbiari eta Montenegrori zigorrak apurka arindu egingo zaizkie. / 16